

Nicolai Svsii E Societate Iesv Opvcvla Litteraria

Suys, Nicolas

Antverpiae, 1620

V. In vnoquoque pro ætatis conditione stylum pubescere, ac deinde
senescere.

[urn:nbn:de:hbz:466:1-69342](#)

quām ut in hoc cursu aliquis nobis prior esse
videatur.

C A P V T V.

*In unoquoque pro ætatis conditione stylum
pubescere, ac deinde senescere.*

Non ipsam solummodò eloquentiam; sed vnumquemque eloquentiæ studiosum suos habere ætatis flexus, & rationi & naturæ consentaneum est, & nemin non experientiâ exploratum esse debet. Vnde prætextâ digni & bullâ sunt, qui in vespertino ætatis, si fas dicere, crepusculo, verborum ac sententiarum luminibus pueriliter scintillare desiderant. Perinde, quasi ad nutricum vbera decrepiti senes lallare ac pappare rursus occiperent; in quibus non pueritia iam quidem, sed puerilitas dominetur. Quod turpe & infame dedecus si quâ possum ratione ex Quintiliani & Tullij præsertim sententiâ abolere conabor: & quid vnamquamque ætam deceat, quid dedebeat explicare. Atque ut teneriores puerulos prætereamus (quibus satis est puram & ingenuam Latini sermonis verecundiam vel domi, vel in Grammaticorum scholis excoluisse) in iuuentute, velut in ætatis vere, amœnos lœtosque flores requiro. Hæc enim generosæ fœcundæque orationis vbertas

vbertas in spem frugis amplissimam matu-
rescit. Talis enim Hortensius, talis ipse Cice-
ro. Vtrumque suis coloribus spectandum da-
bimus. Et iure quidem primum h̄ic lo-
cum Cicero obtinebit; qui cùm in ipso elo-
quentiæ suæ exordio nimis in dicendo fer-
ueret, & paulò minus æstuaret; aliorum cul-
turâ, suâ industriâ præfractum illum impe-
tum refrenauit, & cum ætate paullatim, ora-
tionem senili grauitate ac seueritate non spe-
ctandam modò, sed venerandam esse voluit,
Quam in rem eruditè Quintilianus lib. 12.
cap. 6. Fructum studiorum viridem, & adhuc dul-
cem promi decet, dum & venia & spes est. & para-
tus fauor, & audere non dedecet, & si quid desit
operi, supplet ætas, & si qua sunt dicta iuueniliter,
pro indole accipiuntur: vt totus ille Ciceronis pro
Sexto Roscio locus: *Quid enim tam commune quam*
spiritus viuis, terra mortuis, mare fluctuantibus,
littus ciectis? Quæ cùm sex & viginti natus annos
summis audientium clamoribus dixerit, deferuisse
tempore, & annis liquefacta iam senior fatetur.
Non paullò explicatiūs de se ipso Cicero lo-
quitur. Hunc audiamus: Nunc quoniam totum In Bru-
me non nœuo aliquo, & crepundiis; sed corpore om-
ni videris velle cognoscere, complectar nonnulla et-
iam, quæ fortasse videantur minus necessaria. Erat Plutar-
eo tempore in nobis summa gracilitas, & infirmi- chus in
tas corporis, procerum & tenue collum: qui habitus, Cicero-
& quæ figura non procul abesse putatur à vita pe- ne eadē,
riculo,

riculo, si accedat labor, & laterum magna contentio. Eoq; magis hoc eos, quibus eram carus, commo-uebat, quod omnia sine remissione, sine varietate vi summa vocis, & totius corporis contentione dicebam. Impulsus hic fuit ardui, & ad excelsa sublimiaque sese efferentis ingenij; sed iuuenilis, & periculosus, quem non omnino tollere, sed compescere conatus est: eaque de caussa in Græciam profectus Rhodum ve- nit. Quibus non contentus (tot tantisque dicen- di magistris, quos enumerat) Rhodum, inquit, veni, meq; ad eundem, quem Romæ audiueram, Molonem applicavi, cum actorem in veris caussis scriptoremq; prstantem, tum in notandis ani- maduertendisq; vitiis, & in instituendo docendoq; prudentissimum. Is operam dedit, si modò id conse- qui potuit, ut nimis redundantes nos, & superef- fluentes iuuenili quadam dicendi impunitate & li- centiâ reprimeret, & quasi extra ripas diffluentes coërceret. Itaque recepi metriennio post non modò exercitator, sed propè mutatus. Nam & contentio nimia vocis reciderat, & quasi deferbuerat oratio; lateribusq; vires, & corporis medicocris habitus ac- cesserat. Virilem dictionem qualem Cicero v- surpauerit, qualem antea iuuenilem ex ijs, quæ dicta sunt facile quilibet intelliget, qui non infestis natus Musis, & sinistro Apol- line. Superest, ut senilem eius in perorando sapientiam indagemus. Nec ad Clean- this lychnuchum perugilandum est, ut voti
com

compones efficiamur. De Legibus lib. 2.
Tullio à forensi turbâ ad requiem anhelanti Atticus, id est ipse Tullius, sic occurrit:
Atqui vereor, ne istam caussam nemo noscat, tibiq;
semper dicendum sit: & eò magis, quòd te ipse mu-
tasti, & aliud dicendi genus instituisti. vt quem-
admodum Roscius familiaris tuus in senectute nu-
meros in cantu ceciderat, ipsasq; tardiores fecerat
tibias: sic tu à contentionibus, quibus summis vta
solebas, quotidie relaxes aliquid. Ut iam oratio
tua non multum à philosophorum lenitate absit.
Quod sustinere cùm vel summa senectus posse vi-
deatur, nullam tibi à causis vacationem video da-
ri. Idem ipse eodem sensu Crasso adscribit, Lib. 1.
quem sui imaginem, & eloquentiæ velut ef- de Orat.
figiem ad posteros transmittere voluit. Sed
pluribus opus non est, præsertim cùm ipsius
Ciceronis orationes, vt vernarit primùm, vt
sensim maturuerit, vt denique frondescere
desierit, per se abunde testentur. Quòd au-
tem hanc dictionis lenitatem summam et-
iam sene&tutem sustinere posse arbitratur,
hoc illi cælesti animo præter fatum, naturæ-
que leges & consueta diuinitus concessum
fateamur necesse est. Prudenter enim Quint.
tilianus à caussis dicendis ad scribendum,
mentem calamumque traducens ait: *Neque*
enim scientiâ modò constat orator, quæ augetur
annis; sed voce, laterum firmitate: quibus fra-
ctu aut imminutis atate seu valetudine, cauendum

C 5 est,

est, ne quid in oratore summo desideretur: ne interfistat fatigatus, ne quæ dicet, parum audiri sentiat: ne se queratur priorem. Vidi ego longè omnium, quos mihi cognoscere contigit, summum oratorem Domitium Afrum, valde senem, quotidie aliquid ex eâ, quam meruerat auctoritate perdentem, cùm agente illo, quem principem quondam fuisse fori non erat dubium, aliij (quod indignum videbatur) riderent, alijs erubescerent. Quæ occasio illis fuit dicendi, malle eum deficere, quam desinere. Non ipse quidem Consus sanius proferre consilium mihi posse videtur. Præclarum illud Flacci pronuntiatum;

Horat.

Flacc.

*Solue senescentem mature sanus equum, ne
Peccet ad extremum ridendus, & ilia ducat.*

Quod cùm omnibus propositum esse debat, tum iis præsertim, quos Asiaticos dictos esse monuimus. Qui nisi in senectute stylum omnino inuertant, & à seipsis desciscant, atque in alias quodammodo migrēt homines (quod quād difficile sit cuiuis examinandū relinquo) non minùs ludibriō, vel cōmiserationi certe vel execrationi futuri sunt, quād si quis ad Charontis cymbā nauo persoluto de vxore cogitet & liberis, & nuptias adornet & choreas. Nolo id mihi credi. Hortēsius flos quondam Romanæ eloquentiæ ætate senectâ sensim marcescens suo id exemplo comprobabit. Cicero in Bruto: *Hæc genera dicendi*

Cic. in Bruto. aptiora sunt adolescentibus, in senibus grauitatem

nqñ

non habent. Itaque Hortensius ^{*}vitroque genere flo-
rens clamores faciebat adolescens. Habebat enim &
Meneclium illud studium crebrarum venustarumq;
sententiarum, in quibus, ut in illo Græco, sic in hoc
erant quædam magis venusta dulcesq; sententiae,
quæ aut necessaria, aut interdum utiles. Et erat
oratio cùm incitata & vibrans, tum etiam accura-
ta & polita. Non probantur hæc senibus. Sæpè vide-
bam, cùm irridenter, tum etiam irascentem & sto-
machantem Philippum. Sed mirabantur adolescen-
tes: multitudine mouebatur. Erat excellens iudicio
vulgi, & facile primas tenebat adolescens. Etsi enim
genus illud dicendi auctoritatis habebat parum, ta-
men aptum esse atati videbatur. Et certè, quod & in-
genij quædam forma lucebat, & exercitatione per-
fecta erat, verborumq; adstricta comprehensio sum-
mam hominum admirationem excitabat. Sed cùm
iam honores, & illa senior auctoritas grauius quid-
dam requireret, remanebat idem, nec dicebat idem.
Quodq; exercitationem studiumq; dimiserat, quod
in eo fuerat acerrimum, concinnitas illa crebritasq;
sententiarum pristina manebat, sed ea vestitu illo
orationis, quo consueuerat, ornata non erat. Hoc ti-
bi ille, Brute, minus fortasse placuit, quæm placuis-
set, si illum flagrantem studio, & florentem facultate
audire potuisses. Vera hæc, vera sunt; nec verio-
ra Pythia. Neque idcirco tamen adolescen-
tes uberior & copiosius dicendi genus per-
horrescere debent, dummodo nō illud sordi-
dum & lutulentum, sed cultum & urbanum.

Cice-

^{*} De Asia-
nicu agis
duobus
generi-
bus, de
quibus
antea nos
egimus.

Cicero.

Ciceronis ea mens est, & præceptio. Volo se efferat in adolescentे fœcunditas. Nam facilius, sicut in vitibus, reuocantur ea, quæ se se nimium profuderunt, quam si nihil valet materies, noua sarmen-
ta culturā excitantur. Ita volo esse in adolescente,
vnde aliquid amputem. Non enim potest in eo suc-
cus esse diutinus, quod nimis celeriter est maturita-
tem affecutum. Neque eos quidem à scholis
ablegandos censeo, quibus rigidum & aspe-
rum, non lene, non molle, sed horridius est
ingenium, cui tamen aliquid acre inest & ve-
hemens, licet interdum præter morem ac
decorum minus urbanum & humanum. Ta-
lis quondam Accius fuit, pro æuo tamen suo

Agel. l. laudem meruit. Agellius lib. 13. cap. 2. *Accius*

13. c. 2. cum in Asiam proficiscens iuuenis adhuc Pacuvio
iam seni tragœdiam suam, cui Atreus nomen est, le-
geret: Pacuvius dixisse fertur, sonora quidem esse,
quæ scripsisset, & grandia; sed viderit tamen sibi du-
riora paulum & acerbiora. Ita est (inquit Accius)
uti dicis, neque id sanè me pœnitet. meliora enim fo-
respero, quæ deinceps scribam. Nam quod in pomis
est, itidem, inquit, aiunt esse in ingenii. Quæ dura
& acerba nascentur, post sunt mitia & iucunda:
sed quæ gignuntur statim vieta & mollia, atque à
principio sunt vuida, non matura mox sunt, sed
putria. Relinquendum igitur visum est in ingenio,
quod dies atque etas mitificet.

C A.